

82

## Þvi úrskurðast.

31. maí

Framangreindur úrskurður sýslumanns um, að Bjarni hreppstjóri Sigurðsson skuli eiga sæti sem aðalsýslunefndarmaður Eskifjarðarhrepps á aðalfundi sýslunefndar Suður-Múlasýslu þ. á., er úr gildi feldur, og stendur þá ályktun sýsiunefndar tjeðrar sýslu um, að Guðmundur prestur Ásbjarnarson eigi sæti á fundinum sem aðalsýslunefndarmaður tjeðs hrepps, óhöggud.

Þetta er yður hjermeð tjáð til leiðbeiningar og birtingar fyrir sýslunefndinni.

83

## Brjef stjórnarráðsins til skattanefndarinnar í Fljótshlíðarhreppi um kostnað við

5. júní mat á eftirgjaldi jarða í sjálfsábúð.

Jafnframt því að senda skattanefndinni meðfylgjandi landssjóðsávisun, að upphæð kr. 17.00, til endurgjalds reikningi yfir kostnað við mat á eftirgjaldi jarða í sjálfsábúð í Fljótshlíðarhreppi, er fylgdi brjefi 22. apríl þ. á., skal þess getið, að stjórnarráðið hefir að þessu sinni ávísað fullri upphæð reikningsins, en annars ber að skilja brjef stjórnarráðsins, dags. 17. mars þ. á., til allra skattanefnda, á þann veg, að það að eins taki til þeirra jarða í sjálfsábúð, er eftirgjald þeirra er svo lágt, að eigi nær tekjuskattsgjaldi samkvæmt I. kafla tekjuskattslaganna, og ber þá fyrir matið að greiða samkvæmt 21. gr. sömu laga.

84

## Brjef stjórnarráðsins til landssímastjórans um tímareikning við simaþjónustu.

21. júlí

Eftir móttöku brjefs yðar, herra landssímastjóri, dags. 17. þ. m., veitir stjórnarráðið hjermeð samþykki sitt til þess, að 24 stunda klukka verði notuð við simaviðskifti hjer á landi frá og með 1. ágúst næstkomandi, bæði að því er snertir innlend viðskifti og erlend.

Þetta birtist yður hjermeð til leiðbeiningar, frekari ráðstafana og birtingar.

85

## Brjef stjórnarráðsins til fasteignamatsnefndar Suður-Múlasýslu um greiðslu

22. júlí á kaupí fasteignamatsnefnda.

Með brjefi, dagsettu 6. þ. m., hefir fasteignamatsnefnd Suður-Múlasýslu farið þess á leit, að hún framvegis geti fengið kaup sitt útborgað mánaðarlega, annaðhvort á skrifstofu Suður-Múlasýslu, eða í útibúi Íslandsbanka á Seyðisfirði. Ennfremur fara nefndarmenn fram á að fá greidda aukabókun fyrir eftirvinnu, eða fyrir það sem þeir starfa að matinu fram yfir 10 stundir á dag.

Útaf þessu skal fasteignamatsnefndinni hjermeð tjáð til leiðbeiningar, að **85**  
 stjórnarráðið sjer sjer ekki fært að láta útborga kaup matsmanna þar eystra, þar **22. júlí**  
 sem reikningarnir yfir matskostnaðinn verða að sendast stjórnarráðinu til úrskurð-  
 ar, áður en þeir eru útborgaðir. En til þess að engin ónauðsynleg töf verði á  
 greiðslu kostnaðarins, mun stjórnarráðið framvegis leggja fyrir landsfjehirði að  
 senda matsnefndinni hinar úrskurðuðu upphæðir reikninganna, í peningum, með  
 fyrstu ferð.

Að því er síðara atriðið snertir, þá telur stjórnarráðið sig ekki hafa heim-  
 ild til að greiða matsnefndum þóknun fyrir aukavinnu fram yfir 10 stundir á dag  
 því að matsmenn eiga, samkv. 12. gr. fasteignamatslaganna, aðeins að fá 5 kr.  
 fyrir hvern dag sem þeir gegna nefndarstörfum, án tillits til þess hve margar  
 stundir á dag þeir eru að starfi sínu.

Að endingu skal þess getið, að lagt hefir verið fyrir landsfjehirði að senda  
 formanni fasteignamatsnefndar Suður-Múlasýslu kr. 278,22, sem er upphæð reikn-  
 inga þeirra, er fylgdu framannefndu brjefi matsnefndarinnar.

**Brjef stjórnarráðsins til sýslumannsins í Barðastrandarsýslu um bráðabirgða-** **86**  
*flutning þingstaðar.* **24. júlí**

Samkvæmt tillögum yðar, herra sýslumaður, í brjefi, dags. 11. maí þ. á.,  
 og beiðni hreppsnefndarinnar í Barðastrandarhreppi, veitir stjórnarráðið samþykki  
 sitt til þess, að þingstaður nefnds hrepps verði til bráðabirgða fluttur að Haga í  
 greindum hreppi, enda annist hreppsnefndin um það, að til verði á þingstað  
 þessum hæfilegt hús til þinghaldanna.

Þetta er yður hjermeð til vitundar gefið til leiðbeiningar og frekari  
 birtingar.